

مازال هناك وقت للعودة _ درس فعلاً جايلك في وقته المناسب

□□ - م علاء حامد

علاء حامد

الحمد لله وشهاد ان لا الله الا الله وحده لا شريك له وشهاد ان محمدا عبده ورسوله صلى الله عليه وسلم. اما بعد. اهلا ومرحبا بكم في

لقاء جديد ولايف جديد - 00:00:00

من آآ يعني آآ لایفات ازن الليف دوت بازن الله تعالى سنضيف الى سلسلة الناجون من عصر التفاهة انتم عارفين احنا عملنا سلسلة
كده غريبة شوية الناجون من عصر التفاهة. اسمها كده الناجون من عصر التفاهة - 00:00:14

ولاقت قبول كبير جدا يعني كان فيها لایفات جميلة. زي لا ابرى حتى ابلغ وزي لايف عصر التفاهة وآآ يعني كزا لايف عملناهم كانوا
فريقين جدا هتلاقوا السلسلة دي موجودة في القوائم السلاسل على القناة اسمها الناجون من عصر التفاهة - 00:00:33

ازن ان دوت هيبيقي هيحلق بها ويبقى الدرس الخامس السلسلة ديت لها هدفها من الآخر آآ بتوجه بترفع الهمة اووي وبتشجع الناس ان
هي آآ تفوق من الواقع تضييع الوقت وتضييع العمر والانشغال بالسفاسف والتفاهات - 00:00:53

ال حاجات اللي ما لهاش لازمة وبتفوّقه الى قيمة وقته وقيمة حياته وبتوجهه بترفع همته وبترشده كمان وتساعده ان هو يقف على
ارض صلبة. ويعرف هو المفروض يعمل ايه فخلونا بعد ما اتكلمنا في كزا لايف - 00:01:13

على التفاهة وعصر التفاهة وعلو الهمة واذاي ان انت تصنع هم عندك اتكلمنا في لايف ما الهم الذي تحمله وقلنا لا ابرح حتى ابلغ.
اتكلمنا على عصر التفاهة في لايف مستقل - 00:01:30

خلينا النهاردة ندي بقى شحنة امل. لان انت دايما في اللایفات اللي فاتت قلتوا لي انت بتجلدنا جامد قوي. فحتى آآ في ناس منكم
قالوا لي سمي المشكلة دي جلد المتابعين - 00:01:48

لان هي اللایفات الاربعة اللي فاتوا كانوا فيهن كلام شديد شوية بس انا قلت لكم قبل كده ان انا آآ عندي مشكلة وهي ان كتير من
الخطابات الدعوية بتخاطب المبدأ آآ اللي هو يعني تعال صل تعال صوم. آآ يعني لو صليت ركعتين انت تبقى حبيينا - 00:02:02
وفي واحد عايز همة عالية عايز يستغل جامد فده ما بيلاقيش حد يكلمه. فدایما الخطابات الدعوية علشان اغلب المستمعين على قد
حالهم يعني. فبنلاقي الخطاب الدعوي بيركز على دول ده بيظلم معنا اللي عايز يعمل حاجة عالية او صاحب الهمة العالية -
00:02:27

فيالتالي كاننا عايزين من فترة للثانية كده نقف ونكلم صاحبنا دوت اللي بيقول يا جماعة ادوني شوية تحدي يجدل يعني اضرب ما
يهمكش فاحنا عملنا سلسلة لهؤلاء اللي عايزين اضرب ما يهمكش دول - 00:02:46

فكـلـ اللـایـفـاتـ الليـ فـاتـتـ كـانـتـ اـيـهـ؟ـ كـانـتـ ضـرـبـ ضـرـبـ.ـ يـعـنيـ كـانـتـ عـنـيفـةـ شـوـيـةـ فـالـلـيـ عـاـيـزـ يـرـجـعـ عـنـ السـلاـسـلـ هـيـلـاـقـوـهـاـ فـيـ اللـایـفـاتـ
هـيـلـاـقـوـهـاـ فـيـ سـلـسـلـةـ النـاجـونـ منـ عـصـرـ التـفـاهـةـ تقـرـيـباـ كلـ الـلـيـ سـامـعـهـمـ - 00:03:05

استفاد منهم وابتسط قوي منهم. وقال فعلًا قد ايه احنا كنا محتاجين خطاب زي دوت. بس النهاردة انا مش مش هجدل بقى ونتكلم
بـقـيـ بـالـرـاحـةـ طـالـمـاـ اـنـتـ لـوـ سـمـعـتـ السـلـائـلـ اللـایـفـاتـ الليـ فـاتـتـ هـتـلـاـقـيـ نفسـكـ - 00:03:20

مستعد دلوقتي تسمع الكلام اللي هقوله لك النهاردة. هو تحت عنوان ما زال هناك وقت للعودة مش هينفع ان انا اقول لك كل اللي قلته
لك دوت. وبعد كده ما ادكش امل في نفسك. لان ممكن واحد يكون - 00:03:35

آاً بعد كل اللي انا قلته هو ما زال محبط ما زال بيقول خلاص القطر عدى وفات يا عم الشيخ واللي راح راح واللي ضاع ضاع كلم بقى الناس وكلم الشباب وكلم اللي لسه اه عندهم امل في الحياة. انا ضيغت كتير وفرضت كتير وحاولت كتير وما فيش فايدة -

00:03:49

فلا احنا جايين نقول لدوت احنا آاً مش مش بنكلم واحد معين. النهاردة هتجد جرعة كبيرة جدا من الامل اللي تحت عنوان ما زال هناك وقت للعودة. ما زال هناك وقت للعودة طالما هناك نفس يتردد فلا يأس مع الحياة كما - 00:04:09
قولون لا حياة معاي مع اليأس كتير منا ندمان اوبي على عمر ضاع تفريط ضاع سواء فرط في طلب العلم سواء آاً اصرف على نفسه في المعاصي جدا لفترة طويلة - 00:04:28

لدرجة ان هو يدوبك يعني اقصى احلامه ان بس يعني اقلل المعاصي يعني ما عندوش امل اكتر من كده اللي قصر عمر طويل جدا في عبادة ربنا سبحانه وتعالى اللي ضيع وقته في حياته في تفاهاته. ودخل تجارب فاشلة وحوارات فاشلة وقصص ما لهاش لازمة -

00:04:46

من كتر ما وقع ومن كتر ما تعب ومن كتر ما حاول وفشل وصل للمرحلة بتاعة يأس خلاص والله يا عم الشيخ بقى كلم الناس اللي لسه عندهم امل انا خلاص خلاص - 00:05:10

مش قادر وما فيش طاقة اعمل اي حاجة دوت احنا النهاردة جايين نقول له لأ ما زال هناك وقت للعودة. دائمًا هناك وقت للعودة. وبنقول لك عنوان عام قبل ما نقول لك التفاصيل كم من الصحابة - 00:05:27

00:05:45

تأخر اسلامه جداً كم من الصحابة تأخر اسلامه جداً ولكنه سبق يعني كل اللي فاتوه هيكي مسائلين بس وهرجع لهم تاني كلنا بنسمع عن ايه؟ عن خالد بن الوليد صح -

كلنا بنسمع عن عمرو بن العاص الاسمين دول اصلا بتسمعهم كده بيجي كده في زهنك انتطبع ان دول من السابقين الاولين مسلا صح او ان الاثنين دول اكيد ده اسم خالد مع اسم عمرو ابن العاص بيديك كده احساس ان دول زي ابو بكر كده وعمر وعثمان ده -

00:06:03

انتطبع عادي لأن انت من كتر ما بتسمع اخبارهم ومن كتر ما بتسمع حكاياتهم تقول لا ده اكيد دوله من الرعيل الاول صح لكن ازن ان في ناس كتير فيكم ما يعرفوش - 00:06:25

ان عمرو ابن العاص وخالد ابن الوليد اسلموا سنة تمانية من الهجرة قبل فتح مكة بحاجة بسيطة تمانية من الهجرة. يعني دول عاشوا مع النبي عليه الصلاة والسلام مسلمين. اقل من سنتين. تاني - 00:06:37

عاشوا مع النبي عليه الصلاة والسلام مسلمين اقل من ايه اقل من سنتين. انت متخيّل خالد عمرو دولا كل كل الروعة اللي طلعت منهم دول. ودول ناس عايشين مع النبي عليه الصلاة والسلام اقل من سنتين بس - 00:06:54

ايه يعني دول اسلموا بعد العنة بواحد وعشرين سنة يعني بقى من ساعة ما بعس النبي عليه الصلاة والسلام الى اسلام عمرو وخالد واحد وعشرين سنة واحد وعشرين سنة من التكذيب والكفر - 00:07:11

وبعد كده اسلموا اخر سنتين بس يا خالد وبقى عمرو فيعني انت مش ه تكون حالك اصعب من خالد واصعب من عمرو قبل الاسلام. دول قتلوا الصحابة. عمرو بن العاص كان حاول يعمل - 00:07:30

يعني يكيد بالصحابة في هجرة الحبشة. خالد قتل بايديه صحابة في غزوة احد. وحاول قتل النبي عليه الصلاة والسلام. لكن سبحانه الله بقى خالد ابن الوليد طيب اقول لكم مفاجأة تانية - 00:07:44

ابو هريرة ابو هريرة مين يقول لي؟ قولوا كده في الكومنتات افتکروا ابو هريرة عاش مع النبي عليه الصلاة والسلام كم سنة؟ يعني اصلا قابل النبي عليه الصلاة والسلام سنة كم - 00:07:58

طبعاً كلمة ابو هريرة دي تساوي اكتر واحد روی احادیس في في الدنيا صح اكتر راوي اكتر راوي له احادیس طبعاً انت متخيّل ان ابو هريرة ده اكيد بقى له عشرين سنة ملازم للنبي عليه الصلاة والسلام بيتعلم وبيحفظ احادیس عشان يروي كل الاحادیس ديت -

لكن لو انا سألك دلوقتي هل تعرف ابو هريرة اصلا قابل النبي عليه الصلاة والسلام سنة كم وقعد معه كم سنة هتتصدم فعلا صاح زى ما انت قلت ابو هريرة قابل النبي عليه الصلاة والسلام وهو اصلا ابو هريرة من اليمن. فطلع من اليمن وراح للنبي عليه الصلاة والسلام سنة سبعة من الهجرة. بعد فتح - 00:08:32

سنة سبع من الهجرة. يعني قعد مع النبي عليه الصلاة والسلام تلات سنين. تلات سنين بس. تلات سنين. انا باكلم دلوقتي ناس ملتزمة من عشر سنين في ناس بينكم ولابسة نقاب من عشر سنين لابسة خمار من خمس سنين. آآ راجل آآ ما شاء الله استقام بقى له بقى له فترة بقى له خمس سبع سنين - 00:08:54

مين؟ ابو هريرة تلات سنين يا جماعة. تلات سنين تمام؟ كل اللي حصله ده في تلات سنين. اذا الناس بتجيبي اهي بتشتغل على نفسها بتشتغل على نفسها. فانت ما زال هناك وقت للعوده. ها هو ده اللي انا جاي اقوله لك. وده الامل اللي جاي ابته فيك. واقول لك دايم هناك وقت - 00:09:14

عودة ما تقلقش حتى لو اللي فاضل لك في العمر سنة لو اللي فاضل لك في العمر سنتين. لو التزمت بعد يعني بص ضياع وكفر وضلال وشرب وزنا وخمرة وتبرج - 00:09:34

بص لو انا اسوأ حاجة ممكنة تمام اسوأ حاجة مش هتبقى اسوأ من اللي انا بقوله لك دوت. مش هتبقى اصعب من خالد. مش هتبقى اصعب من عمرو. مش هتبقى اصعب من عمر. رضي الله عنه وارضاه - 00:09:48

تمام؟ فاللي عايز اقوله لك او اقوله لك ان احنا مهما اتأخرنا مهما جينا متأخرین اوی مهمما توبتك اتأخرت مهمما كان سنك دلوقتي او سنك دلوقتي مهمما مررت بتجارب فاشلة كتير تمام؟ مهمما وقعت وقمت وقعت وقمت - 00:10:02

مهما حصل لسة فيه وقت طالما فيه نفس وطالما معي وقت ومعي حياة يبقى ان شاء الله ممكن اعمل ريمونتادا زي ما بيقولوا في الكورة ان انا اقلب الموازين واحول الهزيمة ديت ايه؟ احول الهزيمة دي لانتصار - 00:10:17

عشان كده النهاردة جايین نتكلم ان دائمًا يمكن التعويض يمكن ان انا اعوض ما فات. وده اللي احنا بنسميه الاستدراك. ان انت تستدرك ما فات. تستدرك ما فات. تقف وقفه كده وتبتدي - 00:10:33

خط خط كده ونبداً من الان ولا ننذر الى الماضي. هقول لك دلوقتي نزرتك للماضي حتبص له ازاى علشان ما يجيكلش احباط فاحنا بنقول سنبداً الان. سنبداً الان سابداً الان في ايه؟ حسب ما انت فين؟ لو انت - 00:10:47

بعيد عن ربنا اصلا عاصي آآ مدمن معاصي بعيد. سنبداً الان لو انت لا انا طائع بس مقصري الطاعة نبدأ الان لو انا لأ انا انا بطبيع ربنا بس مقصري طلب العلم نبدأ الان - 00:11:06

آآ لو انا وقفت حفظ القرآن بقى لي فترة عشان احباط حنبدأ الان. انا النهاردة مش جاي اكلم بس الضال اللي بعيد عن ربنا او المعرض او بكلم مسلا مقصري لا لا ده انا اما اكلم كمان اللي كوييس وشغال بس فيه احسن من كده - 00:11:22

اه او كان فتح على نفسه ابواب طاعات بس يعني اتكلع فيها شوية فريح وقال لك خلاص بقى ما فيش فايدة زي طلب العلم زي حفظ القرآن زي قيام الليل فيه ناس كوييسة دلوقتي بتتفرج علي بس هو حاول كتير في قيام الليل ووقف او حاول كتير في طلب العلم - 00:11:42

وزهق او حاول كتير في في حفظ القرآن وقال لك لا كفاية كده. انا النهاردة جاي اكلم الناس دي كلها. جاي اكلم من اول اللي بعيد عن ربنا قوي. وجاي اقبل الكافر لو سمع اللايف ده هيستفيد - 00:12:03

وجاي اكلم الكوييس لكن في احسن من كده فبقول للناس دي كلها ما زال هناك وقت للعوده وما زال هناك وقت لاستدراك ما فات فيعني ايه استدراك يا جماعة؟ يعني انا جاي النهاردة اقول لك نقطة ومن اول السطر هيا من الان نعوض ما فات - 00:12:17

هيا من الان نعوض ما فات ونجتهد فيما هو ات هو ده العنوان النهاردة احنا جايین نتكلم في ايه؟ الاستدراك ما هو الاستدراك جملتين تعويض ما فات عن طريق الاجتهاد فيما هو ات - 00:12:37

يلا نكتبها تعويض ما فات عن طريق الاجتهد فيما هو ات نقطة ومن اول السطر بنكلم كله المقص المفترط اللي في النص
اللي شغال كوييس بس فيه احسن من كده - 00:12:55

كل دول زباني النهاردة فما فيش حد يقول انا الكلام ده ما يلزمنيش. هاضرب لك النهاردة امثلة على كل النمازج ديت كما سياتي. بس
خليني الاول اقول لك اللي انا وعدتك به من شوية. او اقول لك اللي وعدتك به من شوية. اللي هو ايه هي نزرتنا اللي فات -
00:13:15

يعني اللي فات من التقصير. اللي فات من الذنب. اللي فات من المحاولات الفاشلة. اللي فات من المحاولات طلب العلم حلم وخلاص
زهقت. اللي فات من المحاولات حفظ القرآن وانتسى. وعايز ابدأ من الصفر تاني. اللي فات - 00:13:35

من المحاولات للعمل الدعوي او للجمع بين البيت والدعوة بين الشغل وقيام الليل وتعبت وحاولت وخلاص بقى
لي زمان يئست. انا عايزة ابص للمرحلة دي ازاي؟ انا عايزة ابص للمرحلة دي على ان هي - 00:13:53

مصيبة كانت في حياتي وعدت تاني اكتبواها المرحلة دي بالنسبة لي عباره عن ايه؟ عباره عن مصيبه وعدت مصيبه وعدت كانها
كانت حادسه لأنها كانت كسر لان رجل اتكسرت لأن عريبيتك اتبخطت - 00:14:13

كان فلوسك اتسرت لان حصل يعني عملية وعمليتها خلاص لان طالما شيء لا يمكن ان انا ارجع له ولا يمكن ان انا اعيده ما فيش
فائدة من ان انا اقعد استهلك نفسي في التفكير فيه - 00:14:35

هيبقى تعاملني مع الماضي ده كله. زي ما انا بفتكر اي مصيبه في حياتي. بقول ايه؟ بقول والله زي ما بنقول في المصائب قدر الله وما
شاء فعل وانتهى الكلام. هنا تنتهي علاقتي بهذا الماضي او هذه المصيبه التي حصلت - 00:14:56

آآ بتعامل معها بالزي بط الذين اذا اصابتهم مصيبه قالوا ايه؟ انا لله وانا اليه راجعون انا لله وانا اليه راجعون. واحد المعنى الجميل اللي
في الجمله ديت اقول والله ان لله ده كان قدر ربنا واحنا عبده واللي حصل حصل - 00:15:15

بس المهم نرجع بقى لربنا. وكاني برضو بفتكر بكلمة راجعون ان ما زال هناك وقت للعوده. وانا اليه راجعون. وان كانت طبعا معناها
في الدعاء ده راجعون في الآخرة يعني بس هي بتديني ملحم طب ما نرجع. طب ما ارجع قبل ما ارجع بجد انا كده راجع له شتاء
ما بایت غصب عنك راجع له. طب ما ارجع له بمزاجي - 00:15:34

قبل ما ارجع له غصب عنی ارجع له بمزاجي قبل ما ارجع له غصب عنی. فدي بتديني ملحم. فاذا انا مش ببص على الماضي ده على
انه على انه عباره عن صوت دايما بيجلدني وخلاص هي خلاص مصيبه وعدت - 00:15:54

فرطت في وقت ضيغت عمري شربت سجاير. بصل شربت خمر زنيت. آآ قصرت. ما صلتش بقى لك زمان. قيام ليل واقع الحجاب
كان مش قد كده. انا لله وانا اليه راجعون. قدر الله وما شاء فعل. والحمد لله رب العالمين ان اداني وقت واداني - 00:16:12

عمر وفوقني احسن من اللي ما فاقش خالص لغاية ما مات. فانا هابدا من الان واتعامل بقى معها وابص لها من خلال الاية ديت. قال
الله تعالى ما اصاب من مصيبه. بصل بقى انا باركب لك كلام على بعضه دلوقتي. ما اصاب من مصيبه - 00:16:32

في الارض ولا في انفسكم الا في كتاب من قبل ان نبرأها ان ذلك على الله يسير ليه بقى يا رب؟ لكي لا تأسوا على ما فاتكم ولا
تفرحوا بما اتاكم. والله لا يحب كل مختال فخور - 00:16:48

شف المعنى الجميل اللي في الاية ديت ان ربنا بيقول لنا كل المصائب اللي حصلت لك في حياتك انا اصلا كاتبها قبل كده ولما
تستحضر المعنى دوت ان كده كل اللي حصل علي ده - 00:17:08

كان اصلا مكتوب عند ربنا المصيبة بتخف شوية. طول ما هي كده كده كانت مكتوبة. وطالما حصلت بقى ما كانش ممكن ما
تحصلش. فالحمد لله ان هي حصلت وعدت وانا لسه - 00:17:21

مساء الخير ولسه عندي احتمال ان انا اتدارك ما فات فلكي لا تأسوا بقى خلاص كفاية. لن الاسى غير الحزن. الحزن ده غصب عننا.
بس الاسى هو المبالغه في الحزن اللي بتسبب لك احباط - 00:17:35

بتوقفك وبتحطمك. فالشرع بيقول لك اه تحزن على ما فات اكيد. لكن لا يكن هزا الحزن سبب للاحباط. سبب توقف سبب لمزيد من

الخسائر. وانما حزن يدفعك للحركة. وانما حزن يدفعك للتعلم من الماضي علشان اللي جاي يكون - 00:17:49
احسن فازا انا كل اللي هبص لكل الماضي بتاعي سواء الماضي ده كان عشر سنين خمس سنين ستين سنة مصيبة وعدت مصيبة
وعدت. لزلك احد الحسن البصري لقي رجل. الحسن البصري لقي رجلا. فقال له يا فلان كم عمرك؟ كم عمرك - 00:18:09
قال ستين عاما قال ستون ايه؟ ستون عاما. فقال ستون عاما انت منذ ستين عاما تسير الى الله توشك ان تصل توشك ان تصل يعني
عايز يقول له خلاص يعني رجل والقبر يعني انت ما فاضلش حاجة يعني - 00:18:32
فقال الرجل ان لله وانا اليه راجعون قال رجل انا لله وانا اليه راجعون فقال الحسن البصري له يا فلان هل تعلم معناها هل تعلم
معناها؟ هل تعلم معنى ان لله وان اليه راجعون؟ قال ما معناها - 00:18:51
قال من علم انه الى الله راجع فليعلم انه بين يدي الله موقف ومن علم انه بين يدي الله موقف فليعلم انه بين يدي الله مسئول
ومن علم انه بين يدي الله مسئول - 00:19:09
فليعد للسؤال جوابا ومن علم انه بين يدي الله مسئول فليعد للسؤال جوابا فاسقط في يد رجل وقال دلني ما الحيلة؟ طب اعمل ايه
يعني؟ طب انت هتسيني كده؟ قل لي اعمل ايه؟ قال الحيلة يسيرة. الحيلة - 00:19:32
يسيرة اصلاح فيما بقي تصلح فيما بقي يغفر الله لك ما قد مضى ويقبل منك ما بقي تصلح فيما بقي. خلاص ما
تبصش بقى ورا خلاص. ما تبصش - 00:19:53
ما تبصش ورا خلاص خدى وفات. فكر في اللي جاي. تصلح فيما بقي يغفر الله لك ما قد مضى ويقبل منك ما قد بقي بس هي
دي الموضوع دي انا لله وانا اليه راجعون بابص لورا - 00:20:13
يعتبر دي مصيبة وعدت والحمد لله ان هي عدت وخلاص انا دلوقتي ابني النهاردة زي ما الناس بيقولوا احنا ولاد النهاردة احنا ولاد
النهاردة هو الذي جعل الليل والنهرار خلفة لمن اراد ان يتذكر او اراد ايه؟ شكورا. حلو الكلام؟ طيب. خلينا نقول - 00:20:28
النهاردة بعض الامثلة اللي بنسميتها نجوم في سماء الاستدراك نجوم في سماء الاستدراك. مين النجوم اللي في سماء الاستدراك
اللي هنتكلم عليهم النهاردة آناس افروطوا جدا الغلط وكان عملا ريمونتادا زي ما بيقولوا بالمصطلح الكروي. ريمونتادا عنيفة جدا.
يعني كانوا مهزومين او - 00:20:47
مرة واحدة قلب بقى منتصر بشكل غير عادي انتصار ساحق انتصار ساحق النمزوج الفز في الموضوع ده خدوا بالكم مين عمر ابن
الخطاب رضي الله عنه وارضاه. تعلمون انت عمركم افروط على نفسك قبل الاسلام؟ وكم ازى المسلمين؟ وكم عزيهم؟ يعني كان -
00:21:15
صعب جدا على المسلمين عمر رضي الله عنه وارضاه النبي عليه الصلاة والسلام كان يتمنى سيدنا عمر يدخل الاسلام. وكان
يقول اللهم اعز الاسلام اللهم اعز الاسلام باحد العمرین. يعني عمر بن الخطاب او عمرو بن هشام - 00:21:38
اللي هو ابو جهل. يعني شف هو حط الاتنين في كفة واحدة. دليل على شدة بأس عمر على المسلمين والعجيب قصة اسلام سيدنا عمر
طبعا فيها خلاف ده مش موضوعي هو اسلم القصة ازاى بالضبط لكن في النهاية هو ذهب الى النبي عليه الصلاة - 00:21:54
والسلام. ده اللي عايز اوصل له راح للنبي عليه الصلاة والسلام وقال آ طبعا هو في السكة دي لقي زيد ابن الخطاب زيد ابن الخطاب
اه اخوه يعني اخو عمر زيد ابن الخطاب وزيد ابن الخطاب اسلم - 00:22:11
قبل عمر فلما راح يسلم لقي اخوه موجود في دار الارقم وكان مسلم قال له يعني ايه ده اسلمت وما قلتليش يعني سبقتنى الى
الاسلام سبقتنى الى الاسلام طب ما قلتليش ليه - 00:22:31
وليه ما قلتليش؟ قال عمر خشيتك يا عمر خشيتك عمر لقد كنت جبارا يا عمر لقد كنت جبارا يا عمر. يعني شف
اخوه بيقول له انا مش قادر اقول لك. انا ما اقدر اقول لك انت كنت فزيع. انت كنت شيف مستحيل حد يكلمك في موضوع زي ده -
00:22:51
ما ما يعني انت كنت شديد جدا اخوه خايف منه. يعني زايد ابن الخطاب مش ضعيف يعني زي الخطاب قوي زي عمر. لكن ما فيش

حد يا عمر موضوع تاني يا جماعة. كان فزيع كان شديد. كان حاجة رهيبة. حتى كان يقال لو اسلم حمار عمر ما اسلم - [00:23:13](#)
عمر تخيلوا كان بيتحفظ كده ان عمر يعني ان ابعد الناس عن الاسلام فزايده قال له كلمة وجعلته قوي. قال له لقد كنت جبارا يا عمر.
[00:23:30](#) يعني قبل الاسلام. فراح عمر بقى هنا بقى اللي ايه الكلمة اللي عايزك تحفظها وعايزك تبدأ -

حمار خط خط ما عدش يعيط على اللي فات وما عدش يقول انا كنت وحش وبتاع ما فيش فايدة في. قال لاخوه كلمة جامدة جدا.
قال ولن قال عمر نعم كنت جبارا. ولكن لن تجدني في الاسلام خوارا. الله - [00:23:46](#)

قال نعم كنت جبارا. ولكن لن تجدني في الاسلام خوارا. يعني زي ما كنت صعب جدا قبل الاسلام هتشوف انا هعمل ايه في الاسلام
وده اللي احنا بنقوله لاستدراك. احيانا بيكون فيه - [00:24:03](#)

مننا ناس كانوا مقصرين آآ في الاول مسلا كان مدمن شرب كان سينمات وحفلات وبنات والبنت كانت على طول لبس وغيار وهدوء
وفسح ونزل. بعد ما التزمت تعبانة يعني ما ما بتدعوش الى الله. ما فيش قيام ليلا. رغم ان هي هي دي كانت بتسرع على الافلام.
[00:24:19](#) والمسلسلات وبتتجهي باخر الليل. وهو -

هو كان يقعد طول الليل على القهاوي. دلوقتي مش قادر يصللي نص ساعة بالليل. دلوقتي مش قادرة تصلي نص ساعة بالليل. كم
[00:24:46](#) ببح كان يحط صبعه في عين اي حد -

دلوقتي تقول له الدعوة الى الله يقول لك اصل بخاف حد يكلمني وحش. خاف حد يشتمني ولا حاجة. الله! طب ما انت كنت ببح
يعني بتحط صوابعك في عين اي حد. اشمعنى في - [00:24:56](#)

الالتزام بقت ضعيف. تمام؟ كان يقدر يحوش فلوس. تقدر تحوش فلوس عشان تجيب بنطلون مقطوع. ولا تجيب لبس ضيق ولا تجيب
اخر موضة ولا تجيب شنطة بقد كده دلوقتي نقول لها تصدقني ولا نقول له طلع فلوس. الزروف بقى معلش ما عيش وبتاع. الله -
[00:25:06](#)

فين بقى فين الاستدراك؟ فين التعويض؟ هتعوض ازاي؟ زي انت كنت في الجاهلية في قوي وفي الاسلام ضعيف. لا دي مش هتنفع.
لازم زي ما كنت في في الجاهلية قوي تبقى في الاسلام قوي. او كنت في عدم الالتزام قوي. تبقى في الالتزام قوي. علشان نقدر
نعواض. فسيدنا عمر بيقول لاخوه هتشوف انا - [00:25:22](#)

اعمل ايه؟ لن تجدني في الاسلام ايه؟ خوارا. الله اكبر. ثم قال للنبي عليه الصلاة والسلام. اشهد الله تعالى وشهادكم قال كل الناس
اللي قاعدة وقادم النبي عليه الصلاة والسلام بص الكلمة اللي هيقولها. قال اشهد الله عز وجل وشهاد رسوله صلى الله عليه وسلم -
[00:25:42](#)

اشهدكم وشهادكم اني ما وقفت موقفا اذيت فيه مسلما الا ساقف مثله كافحا عن الدين واهله لاستدراك ما
سبقتهموني اليه قال ما وقفت موقفا ما وقفت موقفا - [00:26:03](#)

ازيت فيه مسلما الا ساقف مثله منافقا عن الاسلام وعن الدين واهله ليه؟ لاستدرك ما سبقتهموني اليه
وبالفعل بدأ عمر رضي الله عنه وارضاه رحلة الاستدراك - [00:26:22](#)

بدأ رحلة الاستدراك وصدق فيما قال ما ممكن الكلام سهل. لكن الايه المانية تكتب الغطاس. تعالوا بقى نشوف عمر رضي الله عنه
وارضاه لماذا صنع عمر من من يوم ان اسلم الدنيا اتغيرت حضرتك الدنيا اتغيرت. لذلك ايه؟ كانوا كانوا بيسألوه ابن عباس بيقول له
لمازا - [00:26:43](#)

سميت الفاروق يعني ليه اتسميت عمر الفاروق؟ قال حين اسلمت حين اسلمت قلت للنبي صلى الله عليه وسلم السن على الحق وان
منتا وان حيبنا فقال لي رسول الله صلى الله عليه وسلم بلى والذى نفسى بيده انكم على الحق وان متم وان حبيتم - [00:27:06](#)
فقال عمر فيما الاختفاء فيما الاختفاء والذى بعثك بالحق لنخرجن لنخرجن على القوم. وفعلا بدأ الناس من اول اسلام عمر اظهروا
الاسلام اظهروا الاسلام. لذلك صحيب ابن سنان الرومي بيلخص ليه اتسمى عمر الفاروق؟ قال في كلمة خلاصتها قال كنا - [00:27:27](#)
كنا ازلة حتى اسلم عمر. يا سلام! ايه الجمال ده يا جماعة! ايه الكلمة دي! دي كلمة عزيمة جدا. يقول كنا ازلة حتى اسلم عمر. اول ما

اسلم عمر مرة واحدة الموازين اتفيرت. وقال صهيب لما اسلم عمر زهر الاسلام الله اكبر - 00:27:51
ودعي اليه علانية. وجلسنا حول البيت بقينا خلاص عادي كل واحد بيأخذ راحته. وجلسنا حول البيت وطفنا بالبيت وانتصفنا من
غلظ علينا ورددنا عليه بعض ما اتي به. بقينا بتنسند على عمر ونعرف نرد على التخين ونحط صوابعا في عينه - 00:28:16
علشان معنا عمر ابن الخطاب. الله اكبر. وصدق عمر لما قال والله ما فيش موقف ازيد فيه مسلم الا هايف موقف زيه. انصر فيه
الاسلام نصر الاسلام ده الاسلام كله عز بعد عمر. لذلك يأتي يعني ايه هذا عمر رضي الله عنه اتسمى الفاروق من يومها رضي الله
عنه - 00:28:36

من هو وارضاه. فاللي عايزة اقوله ان عمر نموذج فز لقوه العودة. الريمونتادا العالية. قوة الاستدراك وقوة تعويض اللي انا
بتكلم عليه فسيدنا عمر ما بصش وراه خط خط ومن اول السطر وياللا بنا وعوض عوض بجد لدرجة من كتر - 00:28:56
تعويض بقى احسن واحد في المسلمين. بعد ابو بكر الصديق طبعا رضي الله عن الجميع. يعني هو عدى من قوة عارف انت الاستك
تشده كده وتسبيه كل ما تشد اكتر. لما تسبيه يعمل ردة فعل اقوى. عمر عمل ردة فعل قوية لدرجة ان هو عدى كل الناس - 00:29:18
يعني وصل ان هو قرب لابو بكر خلاص وعدى عبدالرحمن بن عوف وعلي بن ابي طالب كله كله عدى عدى خديجة اصلا كمان. رضي
الله عنها. يعني عمر ما فيش ليس له مسيل الا ابو بكر بس هو اللي معدية - 00:29:37
عمر عشان برضو فاكرين انا قلت لكم النهاردة هضر لكم امثلة لكل الناس. يعني انا ضربت مثال الان عمر الجاهلية والاسلام او الكفر
والاسلام. وكأنه مثال للبي بعيد عن ربنا وقرب لربنا. طيب - 00:29:51
خليني بقى اقول لك على عمر في عز اسلامه بقى. في عز اسلامه عمر في قمة اسلامه وعمر حصل منه موقف آآ صعب شوية بس
عرف يعمل استدراك وتعويض ما لوش حل - 00:30:07
عارفين الموقف ده امتى مين يقول لي حصل منه؟ حصل منه غلطة كده صعبة او يوم من الايام فكر كده قل لي كده حد يكتب
الغلطة دي حصلت امتى حصلت امتى ؟ - 00:30:25

سيدنا عمر عمل غلطة غامدة فعلا يعني وندم عليها جدا. وهن Shawn بقى ازاي استدركها بعد كده. وازاي يعوض عشان اديك امل
برضو مهما حتى لو انت جامد لك غلطتك برضو - 00:30:38
ولسه في فرصة في التعويض اه تفتكرروا كانت الغلطة دي امتى صح ممتاز استاز سيد. احسنت آآ ايوة صح جزاكم الله خيرا الزلة
اللي حصلت من عمر رضي الله عنه كانت في صلح الحديبية. صلح الحديبية - 00:30:50
نعم لا لا فصول الحديبية هي دي الزلة الكبيرة اللي حصلت من عمر رضي الله عنه وارضاه آآ دي دي اكبر زلة حصلت يعني. صلح
الحديبية عمر ابن الخطاب طبعا لما النبي عليه الصلاة والسلام قبل شروط المشركين قبل شروط المشركين آآ - 00:31:11
الشروط منها ان احنا مش هنعمل العمرة ان احنا نرجع تاني ان احنا لو مسلم جه من مكة نرجعه لو واحد ارتد من اهل المدينة وراح
ما نرجعوش الكلام كله غريب. احنا ليه بنوافق على الكلام دوت - 00:31:31
فرح سيدنا عمر والنبي وافق خلاص وافق على الصلح. هو وافق اصلا عشان الهدنة. كان عايزة عشر السنين هدنة علشان كان عارف ان
المصلحة كبيرة وده هنحكه في السيرة اللي - 00:31:47

هتيجي مش وقته دلوقتي بس سيدنا عمر بقى عمل حاجة صعبة شوية راح للنبي عليه الصلاة والسلام والنبي وافق اصلا وافق
خلاص على الصلح المفروض خلاص فعمرا غضبان جدا وقال يا رسول الله - 00:31:57
السنا على الحق وهم على الباطل السنا على الحق وهم على الباطل؟ قال له بلى قال اليس قتلانا في الجنة وقتلهم في النار قال بلى
فقال بقى كلمة صعبة. قال فعلام نعطي في ديننا الدينية - 00:32:12
علامة نعطي في ديننا الدينية. ليه نرضى بالهوان؟ ليه نرضى بالزل؟ بص الكلام جامد. انت بتكلم مين وازاي تتكلم كده اصلا يعني
صعب جدا يعني كلام صعب انت ازاي تتكلم كده - 00:32:28
قال له لما نعطي في ديننا الدينية؟ كلام هو مش مستوعب بيقول ايه؟ طبعا الغضب مخلية انت بتكلم مين وبتتكلم ازاي؟ وازاي تقول

كده بعد ما وافق بس هو يعني معذور يعني بنعذر بس هو ندم قوي على الكلمة اللي قالها ديت. فالنبي عليه الصلاة والسلام رعى مشاعره وقال يا ابن الخطاب يا ابن الخطاب اني رسول الله - 00:32:45

عايز اقول لكم احنا يعني انا ما بغلطش. قال يا ابن الخطاب اني رسول الله ولن يضيعني الله تعالى. اني رسول الله. ولن يضيعني الله تعالى. العجيب بقى ان عمر كمان عمل بقى اصعب شوية. راح راح لابو بكر بعديها - 00:33:05

وقال له آآ نفس الكلام وقال له لما نعطي في ديننا الدانية. طب ما انت يعني بعد الرسول تروح لابو بكر فكان موقف غريب او ي يعني. وبعد بقى ما تبين يعني شف من رفق النبي عليه الصلاة والسلام بعمر رغم ان هو عمل حاجة كان ممكن يعاتبه. لكن تربية. انت عارفين - 00:33:20

نزلت سورة الفتح انا فتحنا لك فتحا مبينا. ممتاز يا نورهان. انا فتحنا لك فتحا مبينا. فالنبي عليه الصلاة والسلام ساب الناس كلها ونادي على عمر قال له تعال يا عمر - 00:33:36

تعال يا عمر. لقد نزل علي اليوم ايات انا فتحنا لك فتحا مبينا. سيدنا عمر مذهول قال يا رسول الله افتح هو؟ يعني الحديبية دي كانت فتح؟ لأن الحديبية دي كانت سبب فتح مكة اصلا. قال نعم - 00:33:48

فندم عمر على ما فعل. ندم ندم شديد. ازاي انا قلت كده؟ بس بقى شف الريمومنتادا اللي عملها او الاستدراك اللي عمله عمر فقال عمر عشان اقول لك ان برضه مش بتكلم في وقت كافر واسلم او ضل واهتدى لأ جوة الهدایة احنا لنا غلطاتنا. بس خط شد سطر وبعد كده ايه - 00:34:01

ابدا من الاول بقى. قال عمر فندمت على ما فعلت طب لما ندمت عملت ايه بقى؟ احباط يأس خلاص يا تجمد مش ها عمل حاجة لـ. ها قعد بقى ابكيت نفسي ازاي قلت كده للرسول وخلاص؟ لـ. فقال عمر قال فعملت لذلك - 00:34:21

اعمالا فعملت لذلك اعمالا ما زلت اتصدق واصوم واصلي واعتق ندما على ما صنعت يومئذ مخافة كلامي الذي تكلمت به. وبعد كده قال كلمة عظيمة اوي. قال حتى رجوت ان يكون خيرا - 00:34:39

حتى رجوت ان يكون خيرا. ايه الكلمة دي بقى؟ دي الكلمة دي يتحط تحتيها الف سطر. ليه بقى؟ هو بيقول الاول انا لما كل ما افتكر اللي عملته في الحديبية - 00:35:02

اصلی اتصدق اصوم اعتقاد وكل ما افتكر اصلی واتصدق واصوم واعتق بيقول من كتر ما صليت ومن كتر وتصدق ومن كتر ما ما صمت بقيت معتقد في نفسي ان اللي حصل ده خير - 00:35:12

اللي حصل ده يعني عايز يقول كوييس ان انا عملت كده لأن الواقعة دي هي اللي خلتنى اقوم بقوه كده بص النزرة بص النزرة الايجابية للواقعة بص ايجابية عمر في نظرته للواقعه ما عدش تبكت وخلاص هو بيقول ده انا الواقعة دي هي اللي سبب في ان انا جامد دلوقتي - 00:35:29

بشوف خد منها الميزة ايه الميزة الواقعه بتقويك الواقعه بتخليني كل ما افتكرها افوق كل ما افتكرها افوق فاحبانا واحد يقول ده كوييس الواحد وقع يعني والله هي دي اللي فوتني. والله هي دي اللي ممكن فاتعامل بايجابية. انت انت زليت. بعد سنين من الهدایة ولابسة خمار ولابسة - 00:35:52

رجعت تكلمي ولاد لابسة النقاب والخمار ورجعتي سمعتي اغاني وبي تي اس وييمكن وقعي في حاجة من مشاهد ايه مش انت بعد سنين الالتزام وقعت في العادة السيئة والكلام ده - 00:36:12

في واحد يوم انا ما فيش فايدة في. انا ما ليش في الطريق دوت. انا عارف نفسي. انا انا انا شمال. انا مش هنفع في واد شد السطر على طول. يلا بنا فعملت لذلك اعمالا - 00:36:26

خلاص مش انا زليت؟ طب تعال لي بقى يا شيطان. يلا صلاة يلا صم يلا صدقة. يلا نوسع الحجاب. انا هاخلي الشيطان يندم على اليوم اللي جا لي فيه. وفعلا يلاقي نفسه - 00:36:42

رجع احسن من الاول احسن من الدرجة ان الشيطان يندم ان هو وقعه اصلا. وهو كل ما يفتكر الزنب ده يقول ياه ده كان حلو

الزنب ده. ده هو ده اللي رجعني جامد - 00:36:52

كده. زي كعب بن مالك. كعب بن مالك اه تخلف عن غزوة تبوك. لكن نسخة كعب بن مالك. الريمونتادا اللي عملها او الاستدراك اللي عمله كعب بن مالك الريمونتادا اللي عملها - 00:37:04

كانت وصلته المنزلة اعلى من نسخة كعب ابن مالك اللي قبل تبوك. لدرجة ان نزل ثناء من الله على كعب المالك بعد توبة جاع بن مالك لانه رجعة رجعة جامدة قوي. فقال الله تعالى يا ايها الذين امنوا اتقوا الله وكونوا مع الصادقين. فانا ممكن اكون وقعت ممكن اكون بعدت - 00:37:17

ممكن اكون قصرت بس هتشوف دلوقتي هعمل ايه. هعمل واحد استدراك واحد تعويض واحد تعويض ما فات. هتلaciini بص احسن من نسختي القديمة هخلي الشيطان يندم على اليوم اللي وسوس لي فيه بالزلة او اللي وسوس لي فيه حتى بالقصير في حق ربنا - 00:37:37

اخليه يفكر الف مرة قبل ما ييجي ناحيتي تاني عشان كده الشيطان كان بيختلف من سيدنا عمر علشان ريمونتادا بتاعت سيدنا عمر علشان استدراك سيدنا عمر فبقى خلاص ما رآك الشيطان سالكا فجا الا ايه؟ سلك فجا اخر. خلاص - 00:37:56
ده ده الرجال ده لما بنوقيعه بيقوم ايه بيقوم احسن من الاول. يا عم ابعد عنه يا عم. ابعد عنه يا عم ده لما بيمشي لوحده يعني اهون من ان انا اوقعه - 00:38:13

فانا عايزة كده. عايزة تخليل الشيطان يندم. ما انت طول ما انت لسة جاي لوحدي امبراح قال لي انا عملت العادة السيئة. تمام؟ ومن ساعتها ما بصليش. قلت له ما - 00:38:23

ده زبون ده الشيطان هيقعد عندك ويفرش وبيبني وعمارة وبيات فيها هو واتباعه. ده انت ريحته خالص لكن لو انت بقى احدثت بعد ذلك اعمالا وفقت وصدقاته وصلوات وبتاع وسعت حجابك وقطعت مع الولد تبت حتى من المعاصي ما كانش يحلم - 00:38:33
هو مصدق وقاعد فيها ده هيجرى هيجرى هيقول لك اخلع من البت دي اخلع من البت دي البت دي لو لو ما تجيشه جنبها سبها سبها. ده ده احنا بنندم على اليوم اللي وقعنها فيه. لكن انا بادي له حاجات هو - 00:38:52

هو ما كانش يحلم بها. خلاص انت بتقول له انا زبون. اتفضل يا باشا. احنا زباين اتفضل اقعد معنا. تمام؟ فسيدنا عمر خلاص ندمه على اليوم اللي جه فيه ده نموذج - 00:39:08

تعالوا بقى نشوف نموذج عمر فيه نموذجين نموذج في الجاهلية ونوزج جوة الاسلام. يعني غلطة جوة الاسلام عادي. فده كلنا بيحصل مننا يا دادا صح؟ طيب خد بقى النموذج الجامد بقى اللي جاي ده - 00:39:18

نوزج اصعب من عمر بقى. اصعب من عمر فعلا هو نوزج مين؟ نوزج عكرمة مين هيكرمها يا جماعة؟ الكريمة ابن مين اصلا الاسم اصلا مخيف. عكرمة بن ابي جهل - 00:39:31

ايه الكريمة ابن ابي جهل هو هو هو في حد من ولاد ابو جهل اسلم؟ ايوة الكريمة ابن ابي جهل اسلم اسلم اسلم امتى ده انت عارف اسلم امتى اصلا بعد فتح مكة؟ يعني بعد خالد وبعد عمرو اصلا. يعني شف احنا بنقول خالد وعمرو - 00:39:44

عكرمة اسلم بعد خالد وبعد عمرو مدة مكرمة اصلا عايزة اقول لك بس من من شناعة افعال عكرمة. عكرمة يا جماعة كان قائد من قادة المشركين في احد وفي كل الغزوات - 00:40:05

اكرمة انسان رهيب على المسلمين. عايزة بس اوصلكم يعني ايه عكرمة. عكرمة انت عارفين النبي عليه الصلاة والسلام لما دخل مكة قال ما ترون اني فاعل بكم صح؟ قالوا اخ كريم ابن اخ كريم. فقال ازهروا فانتم الایه؟ الطلقاء - 00:40:21

النبي عليه الصلاة والسلام استثنى من الكلام ده اربعة بس. اربعة. قال اربع بنى ادمين لو شفت واحد منهم ولو كان متعلق باستار الكعبة تقتلوه شف رغم شف النبي الكريم وغفو ورحمة وكل حاجة - 00:40:40

بس فيه اربعة من من بشاعتهم وشندهم على الاسلام. ومدى ايزاؤهم للمسلمين ما عفاش عنهم. دول اشبه ب مجرمين الحرب اللي هو ما حدش بيعفو عنهم قال اربعة واحد فيهم تشووفوه والله لو متشرط في الكعبة كده اقتلوه وهو متشرط على الكعبة - 00:41:01

وكان منهم عكرمة انا بتكلم في واحد ايه مش بقول لك شمال ده ده مش يعني خارج الدايرة تماما من ابعد ما يمكن والعجب طبعا يا عكرمة لما سمع الخبر ده - 00:41:21

طار من مكة هرب من مكة هرب من مكة لكن سبحان الله اه بدأت بعد ما هرب من مكة وطبعا سمع عن اسلام خالد اسامه عن اسلام عمرو وسمع القصص دي كلها - 00:41:35

بدأ وهو هو جواه عارف ان ده الصح بس وكانه بعد اسلام اهل مكة عايز يقول انت مستني ايه بقى ما خلاص ما خلصت ما كفاية عند بقى. كفاية بقى لغاية كده. وانت عارف الناس دي صح - 00:41:52

فسبحان الله نفسه حدسته بالاسلام ارجع واسلم بقى هو صح وانا عارف انه صح. فانا هافضل اعائد لغاية امتنى وسبحان الله ربنا هداه. وعايز يسلم. بس هيرجع ازاي؟ ده لو حد شافه هيقتلته. مش هيلحق يقول الشهادة اصلا. ده لو حد شافه في السكة هتموت - 00:42:06

عمل واسطة. مراته كانت اصلا مسلمة فراحت للنبي عليه الصلاة والسلام وشفعت له. قالت له معلش يا عكرمة عايز يرجع نفسه يرجع وهيبقى كويس وانا اوعدك ان هو هيبقى حاجة تانية خالص - 00:42:24

والنبي عليه الصلاة والسلام لما عرف كده قال لها مش يرجع. ما عنديش مشكلة. لو حيسلم انا موافق انه يرجع. رجع كان هربان من اليمن. تخيلوا! راجع من اليمن ودخل على النبي عليه - 00:42:38

الصلاه والسلام فالنبي عليه الصلاة والسلام بكل هدوء قال له كلمة بسيطة جدا. قال مرحبا بالراكب المهاجر قد ايه النبي عليه الصلاة والسلام يا جماعة رحيم كل اللي عمله على الكلمة - 00:42:51

بكل بساطة كل الماضي انتهى مرحبا بالراكب المهاجر يا سلام على البساطة ومن قتل اصحابه وا Zah جدا. لكن طالما بت خلاص مرحبا بالراكب المهاجر. عارف لما بشوف فعل النبي عليه الصلاة والسلام بيجي في بالي ايه يا جماعة؟ او مال لما هرجع لربنا هيعلم معى ايه - 00:43:08

عشان كده بقول لك استدرك بكل امل. او مال لما ارجع لربنا هيعلم معى ايه تمام آآ لما حيفرح بي ازاي هيستقبلني ازاي يعني ايه سبحان الله يعني طب يعني النبي عليه الصلاة والسلام اول ما رجع له عكرمة بس - 00:43:29

راغب في الهدایة راغب في التدين اختصر كل حاجة ما كلمش معه كلمة ما عاتبوش بنص كلمة ما لو ش انت كنت وسويت فيينا وعملت فيينا بس يلا هنسامحك حتى دي ما قلهاش - 00:43:47

وانما تمام؟ آآ انما ايه؟ قال مرحبا بالراكب المهاجر مرحبا بالراكب المهاجر سبحان الله بس بكل بساطة كل شيء انتهى امال لما ارجع لربنا بيقول ايه تمام؟ لما ارجع ربنا بيحبنني قد ايه؟ بيفرح بي قد ايه؟ بيسامحني ازاي؟ اذا كان ده عفو عفو عبد. عفو النبي عليه الصلاة والسلام - 00:44:02

فكيف بعفو الله سبحانه وتعالى وكيف به حين نقبل عليه سبحانه وتعالى هو مش عارف يقول ايه الكلام مش عارف يقول ايه. فقال يا رسول الله ماذا اقول؟ انت قل لي انت عايز ايه - 00:44:30

قال اريدك ان تشهد ان لا اله الا الله وان محمدا رسول الله فشهادتك بذلك وقال بقى الكلمة العزيمة. خد بقى الاستدراج بتاع عكرمة رضي الله عنها وارضاها قال والله يا رسول الله والله - 00:44:43

يا رسول الله لا اترك مقاما لا اترك مقاما قمت لاصد به عن سبيل الله. والله يا رسول الله ما اترك مقاما قمت لاصد به عن سبيل الله الا قمت مثله في سبيل الله. الا قمت مثله في سبيل الله - 00:45:01

ولا اترك نفقة صدت بها عن سبيل الله الا سانفق مثلها في سبيل الله وما انفقت نفقة صدت بها عن سبيل الله الا سانفق مثلها في سبيل الله تخيلوا بقى - 00:45:27

شف انت صرفت قد ايه الفجور والمعاصي صرفت الدقيق على ملابس التبرج. صرفت قد ايه على السجائر؟ صرفت قد ايه على السينمات؟ صرفت قد ايه على الاغاني والحلقات؟ ايه اخبارك؟ تصدقت بقد ايه بعد الهدایة - 00:45:47

ها كم واحد اغويته قبل الهدایة اللي اديته شرائط اللي ادتها حاجات اللي اشتريت لها ملابس تبرج اللي دليتها على اغاني واغاني بعد الهدایة كم واحد واحدة التزمت على ايدك؟ وكم واحد تاب بسببك؟ ما هو لازم يا جماعة الريمونتى تبقى صح -

00:46:01

ها ريمونتاز هتبقى صح فيبيقول والله كل موقف وقوته في الغلط هقف زيه في الصح. وكل نفقة انفقتها في الغلط هنفق زيه في الصح طب يا ترى هو كلامه خلاص؟ نعم -

00:46:22

ما انت ممكن تقول كلام وخلاص. لا لا تعال شف لما كان بقى طبعا عكرمة اه اشترك في معارك كتير اخر معركة له كانت معركة اليرموك. معركة اليرموك في زمن عمر رضي الله عنه وارضاه -

00:46:35

كانت مدعكة. كانت طحن جدا يعني. طحن خلاص. تمام؟ وكان القائد فيها طبعا كان خالي مواليد وابو عبيدة ابن الجراح وعمرو كله

كان موجود المعركة ديت المهم ان يوم اليرموك الحصان بتاع سيدنا عكرمة اتعرض لاصابة -

00:46:51

فنزل على رجله وبدأ يقاتل. طبعا معركة اليرموك عدد الروم هائل. وكله لقى راكب تمام نزل على رجله وبدأ يقاتل على رجله وقاتل

قتالا شديدا تمام؟ وداخل بصدره في وسط في وسط الروم -

00:47:13

فخالد نفسه خالد نفسه قال يا عكرمة لا تفعل يعني ما تخشن كده انت ميت ميت لا تفعل لا تفعل فان قتلك سيكون شديدا على المسلمين. يعني لو انت عكرمة -

00:47:32

مت الناس هتأثر سلبيا جدا. انت سيدبني مخزوم. انت حاجة كبيرة قوي في نزر كتير من المسلمين. انت يا راجل سيد في قومك حافز على نفسك عشان نفسية الناس لو انت مت انت دخلتك دي موت خلاص. داخلة على رجله وسط صفوف الروم ما خلاص الموضوع منتهي -

00:47:46

وقال خلي عندي يا خالد. ابعد عندي ما تصدنيش. لو سمحت يا خالد ما تقولش الكلام دوت. بعد كده قال له كلمة جامدة قوي قال فانه قد كان لك مع رسول الله صلى الله عليه وسلم سابقا -

00:48:05

وانني وابي كنا من اشد الناس على رسول الله صلى الله عليه وسلم بيقول لسيدنا خالد انت لك سابقة سابقة اصلا خالد ده ده مسلم قبليه بسنة يعني خالد ابن الوليد اسلم قبليه بسنة بس بيقول له ده انت سمعتنى -

00:48:20

شف بيبص على دي دي كده سبقة. بيقول له ده انت سابقني خلاص. انت معديني. انت عايز مني ايه؟ سبني بقى انطلق. سبني اعوض. عوض ايه دخلت قبلك بسنة اصلا -

00:48:37

وبيقول لي انا وابويا كنا اشداء على المسلمين طب ما خالد كان اشد منك. رضي الله عن الجميع. بس عكرمة شايف لا لا انت سبقتنى وخلاص. سبني ادينى فرصة اعمل حاجة -

00:48:46

حياتي دي طالما في وقت اعمل لو سمحت خالد ما تصدنيش وقال والله يا خالد خلي عندي ابعد عندي قد كان لك مع رسول الله صلى الله عليه وسلم سابقا واني وابي كنا من اشد الناس على رسول الله صلى الله عليه وسلم. دخل في صفوف -

00:48:56

وقاتل على رجليه وقتل رضي الله عنه وارضاه وجدوا فيه بعض المعركة بضع وسبعون ضربة وطعنة ورمية. يعني داخل بصدره خد سيف ورماح وسهام وما كانش وبعد سبعين ضربة. وقع بعد سبعين ضربة. يعني كان راجل لآخر لحظة -

00:49:15

رضي الله عنه عكرمة وارضاه. ها تعرف تعمل يعني قصة زي كده وريمونتات عنيفة زي كده فده ده نموذج نموذج عجيب. نموذج عجيب. خلينا اخش لكم في نموذج يعني احسن حالا. يعني ايه احسن حالا؟ مش هتكلم عن واحد -

00:49:36

واحد مسلا كان ضال ولا حتى غلط غلطة او ما غلطش خلاص. يعني نتكلم بقى نموذج جديد بقى خالص اللي هو واحد ما غلطش ان انا قلت لكم النهاردة انا بكلم كله -

00:49:56

اتكلم كله اللي وحش اوبي الضال اللي بعيد وباكلم اللي كويش بس وقع واقعة زي ما عمر قبل الاسلام ده نموذج للسيء جدا وحالد قبل الاسلام وعكرمة قبل الاسلام احنا خدنا نموذج جوة الاسلام بس وقع وقع زي عمر في الحديبية وازاي استدرك؟ لأننا جاي اقول لك

بقي نموذج -

00:50:07

النموج اللي هو الاعلى بقى عشان تعرف ان انا بكلمكم كلکم. نموج ما غلطش اصلا. اصلا ما غلطش وما عملتش حاجة غلط بس
برضو عمل استدراك ليه؟ لان فيه خير فاته. زعلان قوي على الخير اللي فاته - 00:50:29

يعني حصل فرصة ان يعمل خير بس للأسف الخير ده فاته ده ندم جدا على الخير اللي فاتوا. وقرر ان هو هي عمل استدراك. هي عمل
تعويض لما فات. مين بقى اتكلم عن مين تفتكرولا - 00:50:44

هتكلم عن انس ابن النضر رضي الله عنه وارضاه انس ابن النضر عمل ريمونتادا عنيفة جدا رغم ان هو ما غلطش بس هو اللي حصل
ايه انت عارفين غزوة بدر - 00:50:59

غزوة بدر كان المسلمين ما كانواش متوقعين اصلا يقابلوا جيش المشركين. كانوا فاكرين ان هم طالعين هياخدوا القافلة
بتاعة قريش وخلاص فما كانواش مطلوب ان كل الناس تتطلع. فاللي طالع طالع تلتزمت واحد. فالنبي عليه الصلاة والسلام يعني يعتبر
كده كفاية. خلاص اللي طلع طلع واللي قعد قعد مش مشكلة يعني - 00:51:09

فلما حصل بقى يوم بدر والفرقان والكلام ده ورجعوا منتصرين. انس ابن النضر زعلان من نفسه قوي ازاي ما رحتش معهم؟ يا ريتني
رحت معهم. يا ريتني كنت في في يوم بdry. فزعلان من نفسه قوي. رغم ان هو ما غلطش. رغم ان هو ما عملش حاجة غلط. هي
الموضوع كان - 00:51:30

اصلا تمام؟ فهل كده معنى كده ان انا ما استدركش؟ لا لا ده انا زي مسلا بالزيط يعني حد دلوقتي كان كانت عارفة ان في آآآ حلقة
قرآن في المكان الفلاني بس هي ما كانتش تعرف - 00:51:47

طب اانا يا جماعة انتم شغالين من امتى؟ احنا بقى لنا سنة بنحفز. انت ما قلتوليش ليه الله طب ما اانا الخير ده فاتني. مع انها ما
غلطتش اهي. هي ما كانتش تعرف اصلا صحيحة؟ الله! طب يا جماعة الدورات ديت انتم بتخشوها من امتى - 00:52:02
الدورات دي بقى لها سبع خمس سنين شغالة. طلعت ما كنتش اعرف اانا عن الدورات دي حاجة. طب آآ طب يلا ابدأي من دلوقتي رغم
ان هي ما غلطتش. تمام؟ واحد بيقول يا جماعة - 00:52:16

هو انتم انتم الدرس ده بتاخدوه انتم كل يوم الفجر! طب ما قلتليش ليه ان فيه درس الفجر! طب ما اانا ما اعرفش! طب ما تيلا ابدأ
يعني ايه نموج يا ما غلطش! بس هو - 00:52:26

في خير فاته ما كانواش يعرف به او لسبب ما او كان مسافر الزروف منعه او كانت بتولد او كانت عندها مشاكل صحية كانت في
مستشفى المهم الدنيا زبطة معها اانا دلوقتي رايقة. وفاتها خير او فاته خير غصب عنك. هل ده معناه ان ما فيش استدراك؟ لان فيه
استدراك حتى في الحالة دي - 00:52:36

حتى في الحالة ديت هيبي في معنا ايه؟ هيبي في معنا استدراك انس ابن النضر نموج بقى للاستدراك من النوع دوت لو خير
فاتني اانا ما غلطتش بس ده بردو فيه عودة. فيما زال هناك وقت للعودة او وقت للاستدراك - 00:52:56

وقال انس كلمته الشهيرة قال لان اشهدني الله مشهدا اخر لمن اشهدني الله ما اصنع لمن اشهدني الله مشهدا
اخر ليرين الله ما اصنع يعني بس يا رب اديني فرصة بس. اديني فرصة. سترى ما اصنع. نفس الكلام. خلاص اانا رجعت لكم بقى. اانا
خفيت. اانا خلاص العيال زاكرت لهم - 00:53:12

الامتحانات خلصت. اانا رجعت من السفر. اانا عرفت مكان الحلقة. اانا خلاص وصلت للمعلمee. يلا بقى. انتم هتشوفوا بقى ريمونتادا ما
حدش شافها قبل كده وفعلا لما كان يوم احد - 00:53:40

وحصل اللي حصل يوم احد وببدأ المسلمين يفروا انس المناظري لقى الفرصة الذهبية عشان يفي بوعده مع الله تعالى سعد سعد آآ
سعد بن معاذ كان واقف في آآ في الصفوف - 00:53:54

اه وشایف انس النضری ماشي عکس الناس. الناس كلها بتهرب وهو داخل. انت رايح فين؟ رايح فين يا انس؟ رايح في صفوف
المشركین. يا انس العین رايح فين دي مهلكة - 00:54:10

الى اين يا انس قال قال سعد والله يا سعد انها الجنة والله يا سعد اني لاجد ريح الجنة من وراء احد وبعد كده قال بقى الكلمة

الشهيرة. قال اللهم اني - 00:54:23

اعذر اليك مما صنع هؤلاء اي المسلمين وابرا اليك مما صنع هؤلاء اي المشركين ودخل في صفوف المشركين وقاتل حتى قتل رضي الله عنه وارضاه وكان انس يقول كنا نرى ان انس بن النضر من نزل فيهم - 00:54:39

قول الله تعالى من المؤمنين رجال صدقوا ما عاهدوا الله عليه انجاز. سعد نفسه لما بيحكي للنبي عليه الصلاة والسلام الموقف ده يقول والله يا رسول الله ما استطعت ان اصنع ما صنع - 00:55:01

انا ببني وبينك ما قدرتش اعمل اللي عمله دوت. يعني جامد جداً جامد جداً. قال والله ما استطعت انا عن نفسي ما قدرتش اعمل اللي عمله بس هو ربنا اكرم انس بحاجة قوته اللي هي ريح الجنة. فدي ما سعد ما كانش شامها. فكانت عزيمة انس في الوقت ده اكتئشوية من عزيمة سعد - 00:55:19

رضي الله عن الجميع سبحانه الله يعني يعني شف شف العودة هو العودة بس ان انا اضل لا مش لازم آآ قصرت فترة بسبب كان عندي امتحانات. ها؟ قصرت فترة عشان كان عندي ولادة. آآ واحدة بتولد. آآ قصرت فترة كان - 00:55:37

هل شاغلني شوية. قصرت فترة عشان كنت بعمل ماجستير. اه قصرت شوية فاقول بقى ايه؟ لأن اشهدني الله اجاز لمن اشهدني الله فراغاً لمن اشهدني الله ظروف احسن ها لأن لأن يسر الله لي طلب العلم - 00:55:56

رأينا الله ما اصنع. فجأة زي الزروف كويسة. معنا اجازة. الامتحانات خلصت. في العيال خلاص ريحوك. المرض عدى. ايه ده في دورة في حلقة علم؟ في ها؟ الكلام ممكن تبقي كدابة وممكن تبقي صادقة على طول هيبيان فوراً هيبيان اهو اشهدك الله مشهدك اخر الكلام - 00:56:14

انت قلت يا رب سترى مازا ساصنع بس اديني فرصة اديني وقت اديني فراغ يا رب يسر لي حياتي مش هالاقي وقت لطلب العلم يسر لك الحياة. عملت ايه ها الصيف اللي فات عملتي ايه - 00:56:35

لما الامتحانات خلصت عملت ايه؟ برضو الوقت بيضيع برضو الحياة بتضيع احنا بنكتب بقى يبقى فين الاستدراك؟ وفين العودة؟ طالما في وقت في فرصة للعودة. بس انت دايماً بتضيعها - 00:56:49

فانا عايز اقول ان مسال ايه خطير جداً طبعاً المسالين المشهورين اللي انا قلت لكم عمر و خالد عمر و خالد على فكرة اسلموا مع بعض يعني اصلهم مع بعض بس انا عايز افتكر اقول كلمة واحدة بس - 00:57:02
كلمة واحدة اه قالها خالد لعمرو خالد قالها لعمرو آآ خالد كان رايج يسلم و عمرو كان رايج يسلم الاثنين اتقابلو ما كانواوش ما كانواوش فيش معاد يعني فخالد ابي العمرو - 00:57:17

فعمره بيقولو انت رايج فين و قال يا عمرو ان هذا رجلنبي واني ذاهب اليه حتى اسلم حتى متى يا عمرو؟ سازل على ذلك. هي دي الكلمة اللي عايز اطلع بها من كل موقف. اللي هو بعدها عمرو قال له وانا كمان رايج اصلاً - 00:57:46
حتى متى حتى يا عمرو هنفضل كده لغاية امتى بقى ما انت عارف وانا عارف ومن زمان عارفين ان الرجل ده صح حتى متى عمر؟ لغاية امتى وجيئت قوي عمر الكلمة ديت. فعلًا احنا لغاية امتى؟ و كانه عايز يقول ايه - 00:58:12

مش معنى ان احنا بقى لنا عشرين سنة واحد وعشرين سنة كفر واحد وعشرين سنة صد عن سبيل الله. واحد وعشرين سنة بنقتل في الصحابة. وبنكيد بهم ان ما فيش فرصة - 00:58:33

ما تيجي يا عمرو ما في فرصة ما نرجع يمكن يمكن ربنا يقبلنا. ما نرجع يا عمرو حتى متى؟ يعني افضل كده ولا ابدأ ولو اتأخرت؟ ها افضل كده - 00:58:48

ولنبدأ وان تأخرت يعني نبدأ دلوقتي يا عمرو احسن ما بنبدأش خالص اه احنا بقى لنا واحد وعشرين سنة في الضياع بس شوية كده ان انا اكملي ها؟ حتى متى؟ حطها دي عنوان الدرس النهاردة حتى متى؟ بقى لك عشرين سنة ما بتصليش حتى متى؟ ما تصلي - 00:59:03
بقى لك عشرين سنة متبرجة حتى متى؟ ما نبدأ من النهاردة ها بقى لك عشرين سنة يعني ولاده و علاقاته و حاجات بقى لك عشرين

سنة بتعمل عادة سيئة يا سبديها حتى متى - 00:59:22

ده خالد راجع يا راجل! ده عمرو راجع يا راجل! انت ما قتلتنيش الصحابة حتى متى ما نرجع بقى طب لما
رجع راجع حنة رجعة بصوا يا جماعة - 00:59:37

من ساعة ما خالد وعمرو اسلموا بدأوا على طول من فوق النبي عليه الصلاة والسلام من اول استعمال لخالد. واول استعمال لعمرو
كانوا قادة جييش ده مسلم امبراح مسلم امبراح هو اصلا الدخلة جامدة. الرجعة واضحة - 00:59:51

القوية باينة ده مش جاي يهزز باين من اسلامه انا راجع انا جيت انا مش جاي اهزر انا جاي اطلع الاول انا جاي اجيب كل اللي
فات. فالنبي عليه الصلاة والسلام شاف في عنفهم بريق - 01:00:10

طريق هائل. فريق واحد راجع راجع يعوض كل اللي فاتوا. لدرجة ان هو كان من اول من اول قتال اشتراك فيه خالد وعمرو قادة
على طول قادة تمام عمرو كان قائد في غزوة زات آآ زات السلاسل. تمام؟ وخالد ان كان في مؤته ما كانش طبعا القائد الاول بس
الصحابة على طول اختاروا - 01:00:24

وقائد بعد زايد وجعفر وايه وعبدالله بن رواحة. فهم الاثنين طالعين كبار على طول. يعني يعني عايز اقول لك انت مش معنى ان
انا جيت متأخر ان انا هبدأ - 01:00:51

الصغر انت ممكن تعمل ردة فعل قوية زي ما قلت لك الاستيك كل ما بتتشد ممكن راجعته ترجع بقوة للنهاية الثانية. على طول.
فماشي انت بقى من كتر ما انت قرفان من نفسك في الشمال رح راجع حنة - 01:01:01

راجعة الاقي نفسي في نص اليدين على طول. فاضل لي حبة صغيرة واكملي اليدين حتى ماتت. هم حتمت هي دي خلاصة خلاصة
عمرو وخالد يعني خالد عمل حملة جامدة جدا في مؤته وعمرو في غزوة زات السلاسل وعمرو فتح - 01:01:16
مصر وفتحت خالد وليد فتح العراق بص شارك في كل معارك الفرس ومعارك الروم. كل معارك الدنيا خالد. تمام؟ عمرو ابن العاص
دمشق فتح مع خالد. فتح الشام. فتح مصر. فتح تونس. فتح شمال افريقيا كلها. عمرو اللي هو باسم الله الرحمن الرحيم. فتح نص
كوكب الارض - 01:01:34

خالد باسم الله الرحمن الرحيم. فتح نص كوكب الارض. ايه ده! ايه ده يا عم! ايه يا عم! مش كده يا عم! ده تعويضة جامدة اوبي. معلش
اسف انا وانتم - 01:01:54

في ميزان حسنات عمرو بن العاص ان عمرو بن العاص هو اللي فتح مصر بس هي دي كفاية. اي الدرس ده في ميزان حسنات عمرو
بن العاص. ايه رأيكم قعدتك قدام اللایف ده في ميزان حسنات عمرو بن العاص. ايه رأيك؟ عمرك تخيلتهاها - 01:02:04

ها آآ القرآن اللي بنقراده. الصلاة اللي بنصليلها في ميزان حسنات عمرو بن العاص لأن هو اللي فتح مصر شف بقى الريموتادا جاي لغاية
دلوقتي بتجيب معه راجعة مش عادي. حتى مات بس كل الكلام بدأ بكلمة من خالد لعمرو حتى مات. من ساعة حتى مات دي -
01:02:19

حسنات ما وقفتنيش لعمرو الى يومنا هزا من كتر الناس اللي اسلموا بسببهم بسبب الفتوحات يعني حتى
هتفوق امتى؟ هنفوق امتى؟ هنرجع امتى؟ آآ يعني حاجة جامدة اوبي. خلينا النهاردة ما طولش عليكم - 01:02:38
مع ان على فكرة انا كنت محضر اكتر من كده. بس يمكن اعمل لایف تاني المرة الجاية اكمل فيه بقى في تفاصيل بقى في الاستدراج
دوت ازاي استدرك واعملها ازاي؟ وايه اللي يشجعني على الاستدراك دوت؟ وايه اللي يحفزني للموضوع دوت؟ آآ - 01:03:01
آآ يعني الاستدراج دوت ايه ازاي اعمل خطة للموضوع ده؟ يعني هيبقى في كلام تاني ممكن نقوله المرة الجاية. بس النهاردة كان
حاجة كده تحفيز. تحفيز كده بس اللي هو ايه - 01:03:22

يلا حتى خلاص ها كفاية جلد للمتابعين بس النهاردة كده بالراحة كده واقول لك حتى متى يلا بنا نرجع فقه الاستدراك. وانصحكم
برسالة جميلة اسمها فقه الاستدراج للدكتور محمد الاسطل - 01:03:32

هتلاؤها على في بي دي اف كده على النت هتلاؤها فيها كل الكلام اللي انا قلته فقه الاستدراك لمحمد الاسطل بالطاء الاسطل سين

طاء آآ نزلوها هتللاقو فيها الكلام اللي احنا بنقوله يعني بس انا بختصره بس وبقدمه بشكل كوييس. حتى متى؟ نخلص اللقاء بهذه

الكلمة الموجعة - 01:03:50

حتى جراكم الله خيرا. ان شاء الله نلتقي في ليف تاني. نكمل به سلسلة الناجون من عصر التفاهة. سبحانك الله ربنا وبحمدك اشهد

ان لا اله الا انت استغفرك واتوب اليك. السلام عليكم - 01:04:09